

UNIVERZITET U TUZLI
Ul. Dr. Tihomila Markovića br. 1
Broj: 01-38-JN-15/24
Tuzla, 14.05.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1), tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-38-JN-14/24 od 13.05.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine Direktor za ekonomske poslove, donio je

O D L U K U **O IZBORU NAJPOVOLJNIJEG PONUĐAČA**

I

U postupku javne nabavke usluga revizije glavnog projekta Građevine 2 (Farmaceutski fakultet) i Građevine 3 (Akademija dramskih umjetnosti) Univerziteta u Tuzli provedenom putem Konkurentskog zahtjeva za dostavu ponuda, izabran je ponuđač: "RADIS" d.o.o. Istočno Sarajevo kao najpovoljniji sa ponudom cijenom od 4.500,00 KM (slovima: četihiljadepetstotina konvertibilnih maraka) bez PDV, odnosno 5.265,00 KM (slovima: pethiljadadvijestotinešezdesetpet konvertibilnih maraka) sa PDV, te se istom dodjeljuje ugovor o nabavci usluge.

II

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove postavljene u Tenderskoj dokumentaciji i zato što je imala najnižu cijenu.

III

Ponuđač iz tačke I ove Odluke obavezan je da u roku od **5 (pet) dana** od dana prijema ove Odluke, dostaviti original ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH a što je navedeno u tački 10. Tenderske dokumentacije. Prema odredbi člana 72. stav (3) tačka a) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. Zakona u određenom roku.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluka ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za nabavku usluga revizije glavnog projekta Građevine 2 (Farmaceutski fakultet) i Građevine 3 (Akademija dramskih umjetnosti), putem Konkurentskog postupka javne nabavke broj: 01-38-JN-2/24 od 26.03.2024. godine, objavljenom na Portalu javnih nabavki dana 18.04.2024. godine pod brojem: 795-7-2-38-3-55/24, sažetak obavještenja u "Službenom glasniku BiH" broj 29/24 od 26.04.2024 godine i web stranici Univerziteta.

U ostavljenom roku ponudu su dostavili 8 (osam) ponuđača i to: „Institut za zaštitu, ekologiju i obrazovanje“ d.o.o. Tuzla, „RADIS“ d.o.o. Istočno Sarajevo, „HKP CONSULTING“ d.o.o. Banja Luka, INSTITUT ZA GRAĐEVINARSTVO „IG“ d.o.o. Banja Luka, „CENTAR ZA

PROJEKTOVANJE I KONSALTING“ d.o.o. Banja Luka, „ROUTING“ d.o.o. Banja Luka, „URBIS CENTAR“ d.o.o. Banja Luka i „TRACEST“ d.o.o. Sarajevo.

Nakon javnog otvaranja ponuda Komisija za provođenje postupka javne nabavke izvršila je detaljan pregled zaprimljenih ponuda te utvrdila sljedeće:

- **Ponudač „Institut za zaštitu, ekologiju i obrazovanje“ d.o.o. Tuzla** nije ispunio uslov propisan u tački 3.4.1. a) tenderske dokumentacije u pogledu tehničke i profesionalne sposobnosti uspješnog iskustva u realizaciji ugovora i u pogledu obrazovnih i profesionalnih kvalifikacija pružaoca usluga.

Tačkom 3.4.1. a) tenderske dokumentacije ugovorni organ je odredio uslov za ponuđače koji glasi:

a) *uspješno iskustvo u realizaciji najmanje jednog (1) ugovora sa minimalnom ugovorenom vrijednošću od **5.000,00 KM bez PDV-a** ili više ugovora zbirne vrijednosti od minimalno 5.000,00 KM bez PDV-a, koji su u vezi s predmetnom nabavkom čiji su karakter i kompleksnost isti ili slični predmetu nabavke,*

NAPOMENA: *Pod pojmom „karakter i kompleksnost slični“ podrazumijeva se uspješno izvršenje ugovora koji za predmet imaju reviziju projekata u oblasti visokogradnje.*

Ocjena tehničke i profesionalne sposobnosti ponuđača će se izvršiti na osnovu sljedećih dokaza:

a) *Spisak izvršenih ugovora **u posljednje 3 (tri) godine**, a koji su u skladu sa prethodnom definicijom minimalnih uslova ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Ovaj spisak sačinjava sam ponuđač, na svom poslovnom papiru/memorandumu i dostavlja ga u originalu; Uz spisak izvršenih ugovora ponuđač je dužan dostaviti potvrde koje su izdali naručioci posla, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede. Navedene potvrde dostavljaju se u originalu ili ovjerenoj kopiji (ovjereno od strane nadležnog organa sud/općina/notar);“*

Ponuđač je u sastavu svoje ponude dostavio Spisak izvršenih usluga broj: 8378-P/V-24 od 22.04.2024. godine i uz spisak je dostavio Potvrdu o izvršenim uslugama broj: P-16-VII/21 od 14.07.2021. godine, izdatu od strane TEHNO biro d.o.o. za inženjering i projektovanje Tuzla, ukupna vrijednost ugovora 2.000,00 KM + PDV, a usluga je obavljena u periodu od 17.02.2021. godine do 23.02.2021. godine i Potvrdu o izvršenim uslugama broj: P-15-VII/21 od 14.07.2021. godine izdatu od strane TEHNO biro d.o.o. za inženjering i projektovanje Tuzla, ukupna vrijednost ugovora 4.800,00 KM + PDV, a usluga je obavljena u periodu od 14.09.2020. godine do 21.09.2020. godine.

Ponuđač „Institut za zaštitu, ekologiju i obrazovanje“ d.o.o. Tuzla nije ispunio propisani uslov iz tačke 3.4.1. a) tenderske dokumentacije, tačnije nije dostavio dokaze u skladu sa tačkom 3.4.2. a) TD, jer po osnovu dostavljenog dokaza Potvrda broj: P-16-VII/21 Komisija ugovornog organa je zaključila da za izvršenu usluga revizije projektne dokumentacije Glavnog projekata poslovnog objekta-hale skladišno-prodajni prostor u Sižju, Investitor Dženex d.o.o. Tuzla, ukupna vrijednost ugovora ne zadovoljava uslov iz tačke 3.4.1. a) TD. Za drugu priloženu Potvrdu broj: P-15-VII/21 od 14.07.2021. godine utvrđeno je da je usluga

.zvršena u periodu od 14.09.2020. godine do 21.09.2020. godine, što činjenično nije u posljednje 3 (tri) godine kako je to ugovorni organ zahtijevao u tački 3.4.2. a) TD.

Nadalje, pregledom ponude ponuđača „Institut za zaštitu, ekologiju i obrazovanje“ d.o.o. Tuzla utvrđeno je da ponuđač nije ispunio uslov popisan u tački 3.4.1. b) tenderske dokumentacije u pogledu tehničke i profesionalne iz obrazovnih i profesionalnih kvalifikacija pružaoca usluga. Imenovani ponuđač nije u sastavu svoje ponude dostavio dokaze o radnom iskustvu u struci za lica-inženjere koji će biti angažovani za pružanje konkretnih usluga. Imajući u vidu sve navedeno Komisija ugovornog organa utvrdila je da ponuda ponuđača „Institut za zaštitu, ekologiju i obrazovanje“ d.o.o. Tuzla je neprihvatljiva, te kao takva nije išla u dalju proceduru u ovoj javnoj nabavci.

- **Ponuđač „CENTAR ZA PROJEKTOVANJE I KONSALTING“ d.o.o. Banja Luka** nije ispunio uslov propisan u tenderskoj dokumentaciji iz tehničke i profesionalne sposobnosti u pogledu obrazovnih i profesionalnih kvalifikacija pružaoca usluga. Tačnije imenovani ponuđač u sastavu svoje ponude nije dostavio dokument kojim dokazuje da inženjer kojeg ima namjeru angažovati za reviziju dijela projekta iz oblasti zaštite na radu posjeduje položen stručni ispit.

Ugovorni organ je propisao u tački 3.4.1. b) TD sljedeće:

b) *Obrazovne i profesionalne kvalifikacije pružaoca usluga i/ili kvalifikacije njegovog rukovodećeg osoblja, i naročito kvalifikacije lica koja su odgovorna za pružanje konkretnih usluga – ponuđač mora angažovati diplomirane inženjere (po jedan arhitekta, građevinski inženjer, mašinski inženjer, elektro inženjer i inženjer zaštite na radu i zaštite od požara) koji posjeduju položen stručni ispit i radno iskustvo u struci od najmanje pet godina, a za inženjera koji će biti angažovan kao odgovorni revident deset godina radnog iskustva u struci.*

Ponuđač je u sastavu svoje ponude dostavio na str. 101. kopiju diplome o stečenom visokom obrazovanju za Knežević Nebojšu, diplomiranog inženjera tekstilne tehnologije, na str. 103. ponude diplomu o stečenom naučnom stepenu doktora nauka iz oblasti hemijskog inženjerstva za Nebojšu Kneževića, na str. 105. ponude Licencu broj: FL-0286/13 od 25.12.2013. godine kojom se utvrđuje da mr. Nebojša Knežević stekao licencu za reviziju tehničke dokumentacije, tehnološka faza – tehnološke podloge prilikom projektovanja objekata i nadzor, na str. 107. ponude Rješenje broj: 08.020/704-256/20 od 15.04.2021. godine od strane Ministarstva prave Republike Srpske, kojim se Nebojša Knežević imenuje za vještaka iz oblasti zaštite na radu. Ponuđač nije dostavio zahtjevani dokaz koji je ugovorni organ propisao kao uslov u tački 3.4.1. b) TD, tačnije nije dostavio dokaz o položenom stručnom ispitu za inženjera kojeg ima namjeru angažovati za izvršenje ugovora u dijelu iz oblasti zaštite na radu, a nije dostavio niti dokument kojim dokazuje da je imenovani inženjer oslobođen od obaveze polaganja stručnog ispita iz oblasti zaštite na radu.

Imajući u vidu sve navedeno Komisija ugovornog organa utvrdila je da ponuda ponuđača „CENTAR ZA PROJEKTOVANJE I KONSALTING“ d.o.o. Banja Luka je neprihvatljiva, te kao takva nije išla u dalju proceduru u ovoj javnoj nabavci.

Ponude ponuđača RADIS D.O.O. ISTOČNO SARAJEVO, „HKP CONSULTING“ d.o.o. Banja Luka, INSTITUT ZA GRAĐEVINARSTVO „IG“ d.o.o. Banja Luka, „ROUTING“ d.o.o. Banja Luka, „URBIS CENTAR“ d.o.o. Banja Luka i „TRACEST“ d.o.o. Sarajevo sadrže sve dokaze zahtijevane tenderskom dokumentacijom i iste su prihvatljive.

U skladu sa tačkom 19. tenderske dokumentacije izvršena je provjera računске ispravnosti prihvatljivih ponuda i utvrđeno je da su ponude računski ispravne.

U skladu sa kriterijem "najniža cijena" utvrđenim u tački 4.7. Tenderske dokumentacije utvrđena rang lista a kako slijedi:

Naziv ponuđača	Ponuđena cijena KM bez PDV	Rang
RADIS D.O.O. ISTOČNO SARAJEVO	4.500,00 KM	1.
HKP CONSULTING d.o.o. Banja Luka	5.290,00 KM	2.
INSTITUT ZA GRAĐEVINARSTVO „IG“ d.o.o. Banja Luka	6.470,00 KM	3.
URBIS CENTAR d.o.o. Banja Luka	6.900,00 KM	4.
ROUTING d.o.o. Banja Luka	7.210,00 KM	5.
TRACEST d.o.o. Sarajevo	7.800,00 KM	6.

Prvorangirana ponuda ponuđača „RADIS“ d.o.o. Istočno Sarajevo, kao prihvatljiva ponuda, ocjenjena je kao najpovoljnija u odnosu na zadani kriterij „najniža cijena“.

Budući da je ponuda ponuđača „RADIS“ d.o.o. Istočno Sarajevo ocjenjena kao najpovoljnija to je Komisija predložila da se istom dodijeli Ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
01-38-JN-14/24 od 13.05.2024. godine

DOSTAVITI:
1x svim učesnicima
1x a/a

DIREKTOR ZA
EKONOMSKE POSLOVE
Alden Osmanbegović, dipl.oec.